

¡BOMBA!

Terminó la “resistencia”,
ya #LordLibros capitula;
ahora nomás circula
Delgado en la dependencia



k'uintsil

Miércoles 18 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2666 · www.lajornadamaya.mx



Oochel INAH

UNAM yéetel INAH e' táan u jach xakaltiko'ob u yoochel Sor Juana bona'ab tu ja'abil 1750

Sor Juana Inés de la Cruze' chiikpaj ichil u meyajil ts'iib ba'ale' oka'an xan ichil u meyajil artes plásticas tumen táan u yantal jump'eel meyajil ichil u mola'ayil Instituto Nacional de Antropología e Historia (INAH) yéetel Universidad Nacional Autónoma de México (UNAM), máaxo'ob tu xak'altajo'ob jump'eel u yoochel xmoonja bona'ab tumen Miguel Cabrera tu ja'abil 1750.

Xnóobohispanail ts'iibe' jkiim tu k'iinil 17 ti' abril ti' u ja'abil 1695 tu kúuchil Claustro de San Jerónimo, tu noj kaajil Ciudad de México. Boon beeta'abe' ku p'isik 1.50 u kóochil yéetel 2.10 metro'ob u ka'analil,

jbeeta'ab tu jo'olaj 55 ja'abo'ob kiimik. Walkila', le boonil je'elo' táakbesa'an ichil le ba'axo'ob ku ye'esa'al Museo Nacional de Historia (MNH) Castillo de Chapultepec.

Ichil ba'ax a'alab tumen Salvador Rueda Smither, máax jo'olbesik le kúuchilo', Miguel Cabrera' ti'al u beetike' tu jach ilaj boon beeta'ab tumen j-españail Juan de Miranda, tu ja'abil 1713. Ti' tu ka'ap'eel meyaje', ku chiikbesa'al Décima Musa tu 30ilo'ob.

"U meyaj Cabrera' letie' boon jach k'ajóolta'an yóok'olal Sor Juana. Ti'al u beetike', miin yanchaj u tsikbal yéetel uláak' moonjaob tu k'ajóoltaj xts'iib. Le bix ku chiikbesa'alo' "

kulukbal, yéetel u xno'oj k'ab yóok'ol jump'eel áanalte', ka'alikil u xts'iik k'abe' u machmaj jump'eel chowak rosaryoe', ku ye'esik juntúul ko'olel jach yanchaj u na'at", tu tsolaj.

Beey túuno', boon beeta'ab tumen Miguel Cabrera xak'alta'ab yéetel teeknikáas ma'atech u k'askúuntiko'ob le meyaj beeta'ano', ti'al beyo' u yojéelta'al ba'axo'ob yéetel úuchik u beeta'al le boon'. Lelo' yaan u ts'áak' u páajtalil u je'ets'el bix u maas ma'alobil u kaláanta'al le meyajo', beyxan bix u nu'ukil úuchik u bo'onol, ba'ax kóoloranteob yéetel pigmeeto'ob k'a'abéetkunsab, ichil uláak' ba'alo'ob.